

Faerah2 kemasukannya akan  
jadi tajuk mesyuarat

# Soal BKM dalam Majlis Sukan akan dibincangkan Ahad ini

/ 22 JAN 1975

**S**OAL kemasukan seksi silat Bahagian Kesenian Melayu dalam Majlis Sukan Singapura (SSC) akan menjadi salah satu perkara utama yang akan dibincangkan dalam mesyuarat agung persatuan itu Ahad ini.

Anggota - anggota persatuan akan diajak berbincang samada BKM itu harus memasuki jawatankuasa penasihat silat yang telah dibentuk oleh Majlis itu untuk mengisi kekosongan tidak adanya sebuah badan pengawal silat Republik ini.

*Pencak Silat*

Setakat ini badan-badan yang menganggotai jawatankuasa itu ialah Persatuan Pencak Silat Singapura (PERPENSIS), Persatuan Wanita Teruna (PERWANIT), Perkumpulan Anak Sandiwara Angkatan Kesenian (PASAK), Persatuan Rakyat dan majlis itu sendiri. Perkumpulan Seni menarik diri dari jawatankuasa itu.

Badanbadan tersebut, yang turut giat dalam seni silat, telah pun memohon untuk mendaftarkan diri di bawah

(3) PS 5

Akta Pengajaran Seni Mempertahankan Diri yang mula di kuatkuasakan September lepas.

BKM, yang telah pun mendaftarkan seksi silatnya, guru-guru dan murid-murid silatnya di bawah undang-undang baru itu, merupakan badan berdaftar silat yang tunggal yang tidak menjadi anggota jawatankuasa itu.

Seorang pegawai persatuan itu berkata: "Kami akan mengemukakan bersama samada BKM akan dapat menikmati faedah-faedah kemasukan dalam jawatankuasa itu.

"Anggota - anggota kami memang bersetuju adanya langkah-langkah untuk menjaga taraf senisilat Melayu dan perkembangannya.

## Peranan

"Bagaimanapun, kami perlu meneiti peranan yang dapat kami mainkan andainya kami menjadi anggota jawatankuasa itu."

Soal silat adalah antara beberapa usul yang bakal dimajukan kepada para anggota persatuan oleh jawatankuasa pusat BKM bila mesyuarat agung itu diadakan di Dewan Al-Malik Faisal, Lorong 12, Geylang, mulai 2.30 pe-

lang Ahad ini.

Perkara lain yang akan surut diperbincangkan lajnah satu Pesta Silat 1975 di mana berbagai jenis silat Melayu akan dipersembahkan.

Aspek yang akan dibentangkan dalam rancangan pesta ini ialah tentang badan-badan silat yang harus menyertai dan tempat serta waktu untuk pesta itu.

Mesyuarat itu juga akan merundingkan tentang mengadakan pementasan drama dan budaya tahun ini.

Semua anggota persatuan itu diharapkan dapat menghadiri dalam mesyuarat itu.